



KOMUNIKADO PA PRENSA

Fecha

15 di Mart 2017

Kolaboradó di Maneho

Corinne Leysner

Email

corinne.leysner@gobiernu.cw

Parti di kaminda pa bai Wespen será pa tráfiko pa trabounan di asfaltamentu

Willemstad - Obra Públiko di Ministerio di Tráfiko, Transporte i Planifikashon Urbano ta atvertí ku riba djaluna 21 di mart i djamars 22 di mart próksimo, parti di e kaminda pa bai Wespen ta será pa tráfiko. Riba e dos dianan ei, e kompania Aliansa Civil & Road Works ta hasi trabou di asfaltamentu riba e parti di kaminda entre Wacawa i Savonet. No ta posibel pa kore riba e kaminda entre 7'or di mainta i 5'or di atardi. Tráfiko ku ta bai direkshon di Wespen por hasi uso di e ruta Soto - Santa Cruz - Lagun - Kenepa i pa bai pariba mester usa e direkshon kontrali.

Riba dianan 27 i 28 mart próksimo, ta pone un di dos kapa di asfalt riba e kaminda aki, ku aworakí ta sin tapa di asfalt. Ta skohe pa hasi e trabou di asfaltamentu netamente den dianan di siman, pa motibu ku e kaminda ta mas drùk den fin di siman. Ta trata di un pida kaminda di 3,5 kilometer. Ora kaba ku asfaltamentu di e parti aki di e kaminda, ta kuminsá kibra e siguiente parti di e kaminda, for di Savonet bai Shete Boka. Trabou na e parti di e kaminda akí ta stipulá pa kuminsamentu di aprel. Den luna di sèptèmber di e aña akí, e trabou di drechamentu di e kaminda di na total 6,5 kilometer, ta planiá pa yega su fase final. Esei ta inkluí e partinan ku tin ku haña asera, markamentu di kaminda i ponementu di reflektor.

Tin un retraso di dos luna riba e proyekto di asfaltamentu, pa motibu ku refinaria no por a produsí e produkto bitumen pa por a traha asfalt. Ounke esei no ta den man di Obra Públiko, e organisashon tòg ta pidi dispensa na habitantenan di Banda bou i tur otro hende ku ta hasi uso di e kaminda di Wespen, pa e tardansa den e proyekto. Obra Públiko ta pidi tur hende tambe pa tene kuenta ku e trabounan ku ta tuma lugá na e kaminda i pa kore ku koutela.